

水經注正誤舉例

水經注正誤舉例卷四

仁和丁謙纂述

吳興劉承幹參校

大遼水小遼水湨水

大遼水出塞外衛皋山東南入塞過遼東襄平縣西又
東南過房縣西又東過安市縣西南入於海

上經文

遼水亦言出砮石山自塞外東流直遼東之望平縣西

屈而西南流逕襄平縣故城西

故平州治

又南逕遼隧縣故

城西遼水又南歷安市

二字原脫

縣有小遼水共流注之遼

水右會白狼水水出右北平白狼縣東南北流西北屈

逕廣成縣故城南又西北石城川水注之水出西南石
城山東流逕石城縣故城南北屈逕白鹿山西其水又
東北入廣成縣東注白狼水白狼水北逕白狼縣故城
東白狼水又東方城川水注之水發源西南山下東流
北屈逕一故城西東屈逕方城北東入白狼水白狼水
又東北逕昌黎縣故城西高平川水注之水出西北平
川東逕倭城北又東南逕乳樓城北又東南注白狼水
白狼水又東北自魯水注之水導西北遼山東南注白
狼水白狼水又東北逕龍山西白狼水又北逕黃龍城
東

魏營州刺史治

又東北濫真水出西北塞外東南歷重山又

東南入白狼水其水東南入海

上酈注

大遼水今日遼河其上游名西喇木倫西喇黃也木倫河也故亦曰黃河因與內地黃河混史書皆作潢河源出直隸圍場廳西北克什克騰旗西之興安嶺東北流合二小水經克什克騰旗南有拜察河自西南來注之又東經巴林旗南有二赤木倫河

舊作哈喇木倫

河

合察罕木倫河自西北來會又東經翁牛特左旗

右旗北有老哈河自西南來會水發源平泉州北黃土梁東北流經大寧故城東又東北經建昌縣北又北流英金河錫伯河卓遜河皆東流注之又北百爾

格河自西來注之又東北入於潢河潢河又東轉東南流經遼源縣北折南轉東與東遼河會水出奉天海龍府東平縣北平頂山曰赫爾蘇河北流經懷德縣西轉西北流又轉西南至遼源縣東南會西遼河合而南流經昌圖府西南入柳條邊經開原縣西南至鐵嶺縣轉西南流經承德縣西境又西南至遼中縣城西又經海城縣西北渾河即小遼水自東北來注之又西南至營口縣入於海此大遼水之源委也望平縣當在今開原地襄平即承德縣房縣當在今遼中縣境遼隧故縣當在今三岔河司地安市今海城

縣上皆大遼水入塞後所經地雖古今異稱要可就水之流域按圖而稽惟上游所經塞外諸處經與注均未能知衛皋砮石古山名是否卽興安嶺無從證實蓋自漢晉以後其地爲東夷烏桓鮮卑所迭據中土人士不能跼足經行故彼土山川莫由審悉酈氏以白狼水混入大遼固屬詎謬要不能不爲之諒以魏土地記亦言白狼水下入遼也按白狼水爲大凌河之上游東南至義州入海東距遼河二百餘里安能與之相會但專就白狼水言所敘流行方位皆甚詳核使刪去遼水右會白狼水句別爲一段附於篇

後自無不可今攷大凌河出熱河建昌縣西南土心
塔南連山水北流曰生機河漢廣成縣當在今犍牛
屯地曰西北屈經其城南形勢脗合石城川今忒布
克河出建昌縣南境山猪子卽石城山水東流經南
平房村石城故縣當在此又東至哈喇沁左旗牧境
入生機河白鹿山蒙古名布祜圖在旗東三十里俗
稱五道嶺乃松嶺山脈之分支白狼山元一統志言
在建州卽今建昌南二十五里知與白鹿山地陞各異蓋
彼在生機河東故云河逕其西此則在河之西白狼
故縣卽置山下故河逕其東酈氏謂白鹿山卽白狼

山誤生機河自經此縣遂稱白狼水方城川爲建昌

城南之水卽候水高平川出建昌城西北倭城乳樓

城故址均當在此水濱二水合而東流卽古渝水漢

地志注交黎渝水南入海是也酈氏不明水流地勢

妄於篇末雜出渝水候水及楹偷水等皆顛倒複沓

渝水東流經今大城子鎮入白狼水昌黎故城卽今

建昌縣治

縣前漢名交黎後漢志作昌遼云故天遼北魏始曰昌黎按遼爲黎之轉音惟天遼

當是夫遼之誤故章懷後漢書注作夫黎寰宇記作扶黎也

自魯水出朝陽縣西

北山南流至西平房村入白狼水龍山在朝陽南黃

龍城卽朝陽縣治濫眞水唐書作托紇臣水遼史作

土護眞河卽古徒河今稱圖爾根河又曰那拉特河
爲白狼水之北源契丹古時居此別有專攷附新五
代史中濫眞水旣合白狼卽轉東南入柳條邊又折
而南經義州南錦州東十三站南入於海

又按文獻通攷載唐貞觀二十一年李勣破高麗還

至頗利城

卽夫黎之訛

渡白狼黃崑二水怪其狹淺問契

丹遼源所在云此二水更行數里合而南流卽稱遼
水更無遼源可尋知誤白狼水爲遼水唐初尙然齊
召南水道提綱成於乾隆時且預修一統志輿圖典
籍局中咸備乃亦不能攷正反爲酈氏作調人因篇

內有一水東北入塞爲白狼水語遂以老哈河當之
並謂濫真水卽遼水試問白狼遼水果能越山相注
否且核其流行方位及郡縣古跡能一一符合否蓋
二水之墮入雲霧久矣至張石州穆著蒙古游牧記
始有定論耳○或疑遼河在契丹境彼土之人豈有
未悉竟指渝水爲遼源不知契丹於遼水第稱爲西
喇木倫而以渝水出昌遼遂目爲遼水此歷來致誤
之由也

又元菟高句麗縣有遼山小遼水所出西南至遼隧縣

入於大遼水

上經
文

縣故高句麗胡之國也水出遼山西南流逕襄平縣爲

淡淵

此句原文倒誤

又西南逕遼陽縣與大梁水會水出東南

原作

西北

原作

流注小

此字原脫

遼水

又西南逕遼

隧

原作襄平誤

縣入大遼

原作梁誤

水上麗

小遼水今日渾河出奉天省東北英額台門外戈爾

敏朱墩山脈之西山脈東南之柳河縣卽漢時高句

麗縣遼史地理志韓州本藁離國治柳河縣藁離國

見魏略

後漢書作索離國誤

藁離卽高句麗此爲古扶餘國屬

部國王有孽子朱蒙避難南入朝鮮自立一國亦曰

高句麗中土自來不能明其原委妄以此國與朝鮮

之高句麗混合爲一已於後漢書攷證詳辨之漢武帝時滅朝鮮立元菟郡於其東境治而不縣本沃沮地卽今咸興府城嗣爲夷貊所侵廢之移郡治於遼東之東卽所謂高句麗縣也小遼水所出在縣西界遼山指戈爾敏朱墩山脈其水西流入柳條邊經英額城南又西南合蘇子河經承德縣南卽漢襄平縣又西南至遼陽州西太子河自東南來注之卽大梁水也又西南入大遼水人處卽漢遼隧縣地此段酈注多錯誤倒置特訂正之

浪水出樂浪鏤方縣西

原作東誤

南過臨浪縣西

原作東誤

入於

海上經
文

許慎云沮水出鏤方西

原作東誤

入海一曰出沮水縣十三

州記曰沮水縣在樂浪東北鏤方縣在郡東蓋出其縣而逕鏤方也其水西流逕故樂浪朝鮮縣西至增地縣

入海

上酈注

按沮水有二說太史公之傳朝鮮也曰燕秦時已略屬其地漢興以遠難守修遼東故塞至沮水爲界班書因之是以鴨綠江爲沮水明甚迨後周隋二書始言其都城平壤南臨沮水則已指大同江爲沮水矣攷鴨綠江出咸鏡道甲山郡南太白山北北流合長

白山水折而西流，佟佳江由北來注之，又西南至平安道龍川縣入海。大同江出平安道寧遠郡東北山西南流，至慈山郡南成川江，自東來注之，又西經平壤城至龍岡縣出急水門入海。二水源委各異，萬難混同。許氏漢人所言，似應與史漢合，乃細核之，反與晉闕駟十三州志相符。皆確指大同江，不指鴨綠江。蓋鴨綠江源當出故元菟郡境，非樂浪境也。以此覈之，浪水縣當卽今寧遠郡地，鏤方在樂浪東，當卽今慈山郡地。朝鮮縣卽平壤城，增地縣卽龍岡。臨浪縣當在樂浪西南，惟難確指何地。至說文水經之言，皆

東西易向殊爲可怪

濁漳水清漳水

濁漳水出上黨長子縣西發鳩山東過其縣南屈從縣東北流又東過壺關縣北又東北過屯留縣南潞縣北又東過武安縣南又東出山過鄴縣西又東過列人縣南又東北過斥漳縣南又東北過曲周縣東又東北過鉅鹿縣東又北過堂陽縣西又東北過扶柳縣北又東北過信都縣西又東北過下博縣西又東北過阜城縣北又東北至昌亭與庾池河會又東北至樂成陵縣別出北瀆又東北過成平縣南合清河又東北過章武縣

西又東北過平舒縣南東入於海

上經文

漳水出鹿谷山與發鳩連麓東有堯水梁水陶水均逕

長子縣入漳漳水又東北雍水自西來注之又東北有

潞水

三字補

逕壺關縣西又屈逕其北注於漳水

上三句原在陳

水下誤

漳水又東北流絳水注之水出穀遠縣東東逕余

吾縣南又東逕屯留縣北又東北注於漳漳水厯鹿臺

山與銅鞮水合水出銅鞮縣西北東南流逕其縣北入

諫水南流合左右四小水入之銅鞮水又南流逕襄垣

縣入於漳水漳水又東北流逕襄垣縣南又東北有涅

水西出覆甌山東流五泉俱會謂之五會泉又東南武

鄉水會焉水出武鄉山南逕其縣西又東南注於湟湟

水又東南注於漳漳水又東至武安縣西南

原作東誤

清漳

水自涉縣東南來注之世謂之交漳口漳水又東逕三

戶峽又逕武城南與枝水合水上承漳水與邯水會東

北逕邯會縣西北注漳水漳水又東逕梁期城南又東

逕斥丘縣北卽裴縣南漳水又東北逕斥漳縣南又東

逕列人縣南右合白渠故瀆水出武安欽口山東南流

逕邯鄲縣南又東故瀆出焉一水東爲澤渚東北通澄

湖白渠南出歷邯溝縣東又東逕肥鄉縣北又東北逕

列人會漳津今無水漳津故瀆亦斷流其瀆卽古衡漳